

春秋左傳詁

春秋左傳詁卷三

陽湖洪亮吉學

春秋經三

宣公

元年春王正月公卽位 公子遂如齊逆女三月遂以夫

人婦姜至自齊詁服虔曰古者一禮不備貞女不從故

詩云雖速我訟亦不女從宣公旣以喪娶夫人從亦非

禮故不稱氏見略賤之也

本疏

夏季孫行父如齊 晉放

其大夫胥甲父于衛 公會齊侯于平州 公子遂如

齊 六月齊人取濟西田

秋邾子來朝

別本于誤人今从宋本改

正 楚子鄭人侵陳遂侵宋晉趙盾帥師救陳詁服虔云

趙盾既救陳而楚師侵宋趙盾欲救宋而楚師解去本疏

宋公陳侯衛侯曹伯會晉師于棐林伐鄭公羊作斐冬晉趙

穿帥師侵崇公羊崇作柳晉人宋人伐鄭

二年春王二月壬子宋華元帥師及鄭公子歸生帥師戰

于大棘宋師敗績獲宋華元水經注大棘後其地爲

楚莊所并故圈稱曰大棘楚地也郡國志陳畱郡已吾

有大棘鄉杜同此秦師伐晉夏晉人宋人衛人陳人侵

鄭秋九月乙丑晉趙盾弑其君夷皋公羊作夷犇冬十月

乙亥天王崩

三年春王正月郊牛之口傷改卜牛牛死乃不郊猶三望

葬匡王楚子伐陸渾之戎公羊作賁渾戎公穀戎上皆無之字服

虔云陸渾在洛西南

史記集解

夏楚人侵鄭

秋赤狄侵齊

宋師圍曹

冬十月丙戌鄭伯蘭卒

葬鄭穆公

四年春王正月公及齊侯平莒及郕莒人不肯公伐莒取

向 秦伯稻卒

夏六月乙酉鄭公子歸生弑其君夷

赤狄侵齊

秋公如齊

公至自齊

冬楚子伐鄭

五年春公如齊

夏公至自齊

秋九月齊高固來逆叔

姬

公羊作子叔姬

固

按以下經校之此亦當有子字疑傳寫時

脫也叔孫得臣卒

冬齊高固及子叔姬來

楚人伐

鄭

六年春晉趙盾衛孫免侵陳

夏四月

秋八月螽

冬

十月

七年春衛侯使孫良夫來盟 夏公會齊伐萊地理志

東萊郡黃按東萊即古萊子國也杜本秋公至自伐萊

大旱 冬公會晉侯宋公衛侯鄭伯曹伯于黑壤

八年春公至自會 夏六月公子遂如齊至黃乃復 辛

巳有事于大廟仲遂卒于垂地理志東萊郡腫校腫

黃二縣皆齊地遂自黃復故卒于垂也腫垂同壬午猶

繹萬八去籥爾雅繹陳也孫炎曰祭之明日尋繹復

祭也杜本戊子夫人嬴氏薨公穀皆作熊氏晉師白狄伐秦

楚人滅舒蓼穀梁作鄆秋七月甲子日有食之既 冬十月

己丑葬我小君敬嬴公穀皆作頃熊雨不克葬庚寅日中而克

葬 城平陽地理志泰山郡東平陽杜本 楚師伐陳

九年春王正月公如齊 公至自齊 夏仲孫蔑如京師

齊侯伐萊 秋取根牟國志琅邪國陽都有牟

臺杜同此八月滕子卒 九月晉侯宋公衛侯鄭伯曹伯

會于扈 晉荀林父帥師伐陳 辛酉晉侯黑臀卒于

扈 冬十月癸酉衛侯鄭卒 宋人圍滕 楚子伐鄭

晉卻缺帥師救鄭 陳殺其大夫泄冶公穀本及家語大戴禮記

史記漢書並作泄賈公彥周禮疏亦同今據改按此蓋唐時避諱所改玉篇以洩同泄然玉篇亦唐宋人所增

改非原本也下泄繼字皆同此

十年春公如齊 公至自齊 齊人歸我濟西田 夏四

月丙辰日有食之 己巳齊侯元卒 齊崔氏出奔衛

公如齊 五月公至自齊鄭賈許曰不書奔喪諱

過也釋例癸巳陳夏徵舒弑其君平國 六月宋師伐滕

公孫歸父如齊葬齊惠公服虔云歸父襄仲之子

史記集解晉人宋人衛人曹人伐鄭 秋天王使王季子來

聘 公孫歸父帥師伐邾取公羊作取繹地理志魯國

騶繹山在北此大水 季孫行父如齊 冬公孫歸

父如齊齊侯使國佐來聘 饑 楚子伐鄭

十有一年春王正月 夏楚子陳侯鄭伯盟于辰陵京

相璠曰潁川長平有故辰亭道元云此亭在長平城西

北而杜氏言東南謬按杜蓋取京相璠之說至西北東

南或傳寫之誤耳又辰陵穀梁作夷陵按史記楚世家

頃襄王二十一年秦將白起遂拔我郢燒先王墓夷陵

索隱曰夷陵陵名後爲縣屬南郡夷辰聲相近京杜以  
長平縣辰亭當之不若从穀梁作夷陵爲諦也或疑較  
長平道稍回遠然按夷陵今宜昌府治與當陽荆門緊  
接二邑所屬之宛城爲春秋時會盟之地何獨夷陵卽  
以爲遠耶公孫歸父會齊人伐莒 秋晉侯會狄于欒  
函 冬十月楚人殺陳夏徵舒 丁亥楚子入陳 納  
公孫寧儀行父于陳 **註**賈逵云二子不繫之陳絕于陳  
也惡其與君淫故絕之善楚有禮也 本疏又賈氏依放穀  
梁云稱納者內難之辭 釋例按左氏之意賈爲得之杜說  
非也

十有二年春葬陳靈公 楚子圍鄭 夏六月乙卯晉荀



林父帥師及楚子戰于邲晉師敗績

說文邲晉邑也

春秋傳曰晉楚戰于邲按公羊傳獨以爲邲水今考水

經注濟水于此又兼邲目春秋宣公十二年晉楚之戰

楚軍于邲卽是水也音十據此則邲有卞音可補陸氏

之缺道元又引京相璠曰邲在敖北秋七月 冬十有

二月戊寅楚子滅蕭地理志沛郡蕭故蕭叔國宋別

封附庸也晉人宋人衛人曹人同盟于清丘賈氏許

氏曰盟載詳者日月備易者日月略釋京相璠曰今東

郡濮陽縣東南三十里水經郡國志東郡濮陽有清丘

杜同宋師伐陳衛人救陳

十有三年春齊師伐莒

公羊作伐衛

夏楚子伐宋

秋螽

冬

晉殺其大夫先穀

穀梁作穀陸氏穀梁音義曰一本作穀

十有四年春衛殺其大夫孔達

夏五月壬申曹伯壽卒

晉侯伐鄭

秋九月楚子圍宋

葬曹文公

冬公孫

歸父會齊侯于穀

十有五年春公孫歸父會楚子于宋

夏五月宋人及楚

人平

**詒**

賈逵云稱人眾辭善其與眾同欲

本疏

六月癸卯

晉師滅赤狄潞氏以潞子嬰兒歸

漢書作路劉寬碑陰同

秦人伐

晉王札子殺召伯毛伯

秋螽

仲孫蔑會齊高固

于無婁

公羊作牟婁

初稅畝

冬螽生

**詒**

釋文云劉歆曰蚝

蜉子也董仲舒曰蝗子說文螽復陶也劉歆說螽蚝蚝

子按賈義或同杜注用李巡說饑

十有六年春王正月晉人滅赤狄甲氏及潁吁 夏成周

宣榭火

北宋公羊本作謝按釋文榭本又作謝公羊火皆作災

**詔**服虔曰宣揚威

武之處惠棟曰周邢敦銘云王格于宣射古文榭字作射劉逵注吳都賦引國語曰射不過講軍實今本作榭知射卽榭也說文無榭字後人妄增秋郊伯姬來歸冬大有年**詔**說文季穀孰也从禾干聲春秋傳曰大有季孔廟碑亦作季

十有七年春王正月庚子許男錫我卒 丁未蔡侯申卒

夏葬許昭公 葬蔡文公 六月癸卯日有食之

己未公會晉侯衛侯曹伯邾子同盟于斷道 秋公至自會 冬十有一月壬午公弟叔肸卒

十有八年春晉侯衛世子臧伐齊 公伐杞 夏四月

秋七月邾人戕鄆子于鄆穀梁**詒**賈逵云使大夫往殘

賊之本疏杜甲戌楚子旅卒穀梁作呂史記年表世家並作侶公孫歸

父如晉 冬十月壬戌公薨于路寢 歸父還自晉至

笙遂奔齊公穀皆作榿釋文笙本又作檉又作朽

成公

元年春王正月公卽位 二月辛酉葬我君宣公 無冰

三月作丘甲**詒**服虔云司馬法云四邑爲丘有戎馬一

匹牛三頭是曰匹馬丘牛四丘爲甸甸六十四井出長

轂一乘馬四匹牛十二頭甲士三人步卒七十二人戈

楯具備爲之乘馬詩又云司馬法九夫爲井四井爲邑

四邑爲丘馬一匹牛三頭四丘爲甸出穀一乘甲士三

人步卒七十二人馬四匹牛十二頭

禮記疏杜取此

夏滅孫許

及晉侯盟于赤棘 秋王師敗績于茅戎

公穀皆作賀戎晉敗之五

行志云晉敗天子之師于賀戎劉向傳同

冬十月

范甯穀梁注疑冬十月下既季孫行父如齊六字

二年春齊侯伐我北鄙

夏四月丙戌衛孫良夫帥師及

齊師戰于新築衛師敗績 六月癸酉季孫行父滅孫

許叔孫僑如公孫嬰齊帥師會晉卻克衛孫良夫曹公

子首及齊侯戰于鞏齊師敗績

公穀皆作曹公子手公羊音義云一本作午

秋七月齊侯使國佐如師己酉及國佐盟于袁婁

公穀作爰

婁 八月壬午宋公鮑卒

庚寅衛侯速卒

公羊作邀

取汶陽

田 冬楚師鄭師侵衛

十有一月公會楚公子嬰齊

于蜀 丙申公及楚人秦人宋人陳人衛人鄭人齊人  
曹人邾人薛人鄆人盟于蜀

三年春王正月公會晉侯宋公衛侯曹伯伐鄭賈服皆

云宋公衛侯先君未葬而稱爵譏其不稱子禮記疏按

辛亥葬衛穆公公羊作繆二月公至自伐鄭 甲子新宮

災三日哭 乙亥葬宋文公 夏公如晉 鄭公子去

疾帥師伐許公羊作率公至自晉 秋叔孫僑如帥師

圍棘 大雩 晉卻克衛孫良夫伐虜咎如公羊虜作將穀梁作

冬十有一月晉侯使荀庚來聘 衛侯使孫良夫來

聘 丙午及荀庚盟丁未及孫良夫盟 鄭伐許賈服皆

達云鄭小國與大國爭諸侯仍伐許不稱將帥夷狄之

刺無知也

本疏

四年春宋公使華元來聘 三月壬申鄭伯堅卒諸陸氏

公羊音義曰伯堅何休解曰左氏作堅字穀梁作賢字  
今定本作堅字惠士奇曰按說文取古文賢字漢校官  
碑曰優取之寵今文尙書大誓曰優取揚厯是古皆以  
取爲賢今按惠說是釋文作古刃反誤又玉篇堅又作  
鉅云古干古兩二切今考說文取緊同部疑鉅字又从  
緊字傳寫而譌云古兩切亦非也杞伯來朝 夏四月  
甲寅臧孫許卒 公如晉 葬鄭襄公 秋公至自晉  
冬城鄆 鄭伯伐許

五年春王正月杞叔姬來歸

仲孫蔑如宋

夏叔孫僑

如會晉荀首于穀

公羊作荀秀

梁山崩穀梁傳梁山崩過

河三日不流按水經注亦同秋大水冬十有一月己

酉天王崩十有二月己丑公會晉侯齊侯宋公衛侯

鄭伯曹伯邾子杞伯同盟于蟲牢

春秋繁露蟲作蠱

節郡國志

陳畱郡封丘有桐牢亭或曰古蟲牢

杜同此

六年春王正月公至自會二月辛巳立武宮節服虔云

峯之戰禱武宮以求勝故立其宮

本疏

取鄆節按玉篇字

書並云鄆邾婁邑杜云魯附庸恐誤衛孫良夫帥師侵

宋夏六月邾子來朝公孫嬰齊如晉壬申鄭伯

費卒

史記世家費作潰索隱曰潰音秘鄆本一作沸一作弗

秋仲孫蔑叔孫僑如

帥師侵宋楚公子嬰齊帥師伐鄭冬季孫行父如



晉 晉欒書帥師救鄭公羊作率師侵鄭

七年春王正月鼯鼠食郊牛角改卜牛鼯鼠又食其角乃

免牛 吳伐鄭 夏五月曹伯來朝 不郊猶三望

秋楚公子嬰齊帥師伐鄭 公會晉侯齊侯宋公衛侯

曹伯莒子邾子杞伯救鄭八月戊辰同盟于馬陵國史

記魏世家太子與齊人戰敗于馬陵徐廣曰在元城公

至自會 吳入州來國地理志沛郡下蔡故州來國

此冬大雩 衛孫林父出奔晉

八年春晉侯使韓穿來言汶陽之田歸之于齊 晉欒書

帥師侵蔡 公孫嬰齊如莒 宋公使華元來聘 夏

宋公使公孫壽來納幣國服虔云不稱主人母命不通

故稱使婦人無外事

儀禮疏

晉殺其大夫趙盾趙括

秋

七月天子使召伯來賜公命

公穀皆作錫曲禮孔疏引經作來錫公命

賈

逵云諸夏稱天王畿內稱王夷狄曰天子王使榮叔歸

含且賄以恩深加禮妾母恩同畿內故稱王成公八年

乃得賜命與夷狄同故稱天子

本疏

服虔曰夷狄曰天子

禮記疏

冬十月癸卯杞叔姬卒

晉侯使士燮來聘

叔

孫僑如會晉士燮齊人邾人伐邾衛人來媵

九年春王正月杞伯來逆叔姬之喪以歸公會晉侯齊

侯宋公衛侯鄭伯曹伯莒子杞伯同盟于蒲國志

陳畱郡長垣有蒲城

杜同此

公至自會

二月伯姬歸于

宋夏季孫行父如宋致女禮記服虔云謂成婚

疏

晉

人來媵 秋七月丙子齊侯無野卒 晉人執鄭伯

晉欒書帥師伐鄭 冬十有一月葬齊頃公 楚公子

嬰齊帥師伐莒庚申莒潰 楚人入鄆 秦人白狄伐

晉 鄭人圍許 城中城

十年春衛侯之弟黑背帥師侵鄭公羊帥作率 夏四月五卜郊

不從乃不郊 五月公會晉侯齊侯宋公衛侯曹伯伐

鄭 齊人來媵 丙午晉侯孺卒 秋七月公如晉

冬十月歸按禮記中庸疏成十年不書冬十月此有者

當是後人增入今按公羊經文無此三字

十有一年春王三月公至自晉 晉侯使卻棼來聘己丑

及卻棼盟公羊作卻州下同 歸服虔以爲卻棼卻克從祖昆弟

按杜注則云從父兄今考世本卻豹生冀芮及義芮生

缺義生步揚缺生克揚生州州即據此則隼與克共曾

祖故服云從祖昆弟杜改云從父誤矣夏季孫行父如

晉 秋叔孫僑如如齊 冬十月

十有二年春周公出奔晉 夏公會晉侯衛侯于瑣澤文釋

云瑣澤按石經及諸本並作瑣澤公羊作沙澤秋晉人敗狄于交剛 冬十月

十有三年春晉侯使卻錡來乞師 三月公如京師 夏

五月公自京師遂會晉侯齊侯宋公衛侯鄭伯曹伯邾

人滕人伐秦歸賈氏以晉直秦曲無辭不得敵有辭故

不書戰釋文曹伯廬卒于師公穀皆作廬秋七月公至自

伐秦 冬葬曹宣公

十有四年春王正月莒子朱卒 夏衛孫林父自晉歸于

衛 秋叔孫僑如如齊逆女 鄭公子喜帥師伐許

九月僑如以夫人婦姜氏至自齊 冬十月庚寅衛侯

臧卒 秦伯卒

十有五年春王二月葬衛定公 三月乙巳仲嬰齊卒

癸丑公會晉侯衛侯鄭伯曹伯宋世子成齊國佐邾人

同盟于戚

公羊成作戚

晉侯執曹伯歸于京師

公羊歸下有之字

公

至自會 夏六月宋公固卒 楚子伐鄭 秋八月庚

辰葬宋共公 宋華元出奔晉宋華元自晉歸于宋

宋殺其大夫山 宋魚石出奔楚 冬十有一月叔孫

僑如會晉士燮齊高無咎宋華元衛孫林父鄭公子鮪

邾人會吳于鍾離 許遷于葉

十有六年春王正月雨木冰 夏四月辛未滕子卒 鄭

公子喜帥師侵宋 六月丙寅朔日有食之 晉侯使

欒黶來乞師 甲午晦晉侯及楚子鄭伯戰于鄢陵楚

子鄭師敗績詒服虔云鄢陵鄭之東南地也史記地理集解

志潁川郡陽陵五行志晉有陽陵之戰鄢作陽杜本按

晉楚戰之鄢陵與克段之鄢本屬兩地杜注失于彼而

得于此若劉昭注司馬彪志合兩地爲一非也楚殺其

大夫公子側 秋公會晉侯齊侯衛侯宋華元邾人于

沙隨不見公詒酈道元云坂水又東逕甯陵縣之沙陽

亭故沙隨國矣公至自會 公會尹子晉侯齊國佐邾

人伐鄭 曹伯歸自京師 九月晉人執季孫行父舍

之于茗丘

公羊作招丘

賈氏以爲書執行父舍于茗丘言

失其所不書至者刺晉聽讒執之是已無罪也

本疏冬十

月乙亥叔孫僑如出奔齊

五行志作喬如

十有二月乙丑季孫

行父及晉卻犇盟于扈 公至自會 乙酉刺公子偃

十有七年春衛北宮括帥師侵鄭

公羊作北宮結

夏公會尹子單

子晉侯齊侯宋公衛侯曹伯邾人伐鄭 六月乙酉同

盟于柯陵

淮南人間訓作嘉陵柯嘉音同

秋公至自會

齊竊無咎出

奔莒

九月辛丑用郊 賈逵以二傳爲說諸書用者

不宜用也

本疏

劉賈以爲諸言用皆不宜用反于禮者也

同校賈義本二傳較杜注爲長晉侯使荀營來乞師

冬公會單子晉侯宋公衛侯曹伯齊人邾人伐鄭 十

有一月公至自伐鄭 壬申公孫嬰齊卒于貍脰公羊

軫穀梁 杜稱舊說云壬申十月十五日貍脰魯地也

作貍蜚 十有二月丁巳朔日有食之 邾子貍且卒 晉殺

其大夫卻錡卻犇卻至 楚人滅舒庸

十有八年春王正月晉殺其大夫胥童晉語作胥之昧

韋昭注胥之昧胥童也按晉語童昏不可使謀是童有

昧義故胥童字之昧也庚申晉弑其君州蒲 齊殺其

大夫國佐 公如晉 夏楚子鄭伯伐宋宋魚石復入

于彭城地理志楚國彭城 公至自晉 晉侯使

士句來聘 秋杞伯來朝 八月邾子來朝 築鹿囿



己丑公薨于路寢 冬楚人鄭人侵宋 晉侯使士

魴來乞師

公羊作士彭何休解云考諸正本皆作士魴字若作士彭者誤矣

**詁**按毛詩

祝祭于祊說文作彭知祊彭古字通也說文又云彭或

从方十有二月仲孫蔑會晉侯宋公衛侯邾子齊崔杼

同盟于虛朶 丁未葬我君成公

襄公

元年春王正月公即位 仲孫蔑會晉欒黶宋華元衛甯

殖曹人莒人邾人滕人薛人圍宋彭城 夏晉韓厥帥

師伐鄭

公羊作韓屈

仲孫蔑會齊崔杼曹人邾人杞人次于

鄆

公羊作鄆作合

秋楚公子壬夫帥師侵宋

古今人表作任太顏師古匡謬正俗

以為當作王夫誤

九月辛酉天王崩

邾子來朝

冬衛侯使

公孫剽來聘 晉侯使荀罃來聘

二年春王正月葬簡王 鄭師伐宋 夏五月庚寅夫人

姜氏薨 六月庚辰鄭伯踰卒 **說文**踰目大也春秋

傳鄭伯踰古今人表作綸晉師宋師衛甯殖侵鄭 秋

七月仲孫蔑會晉荀罃宋華元衛孫林父曹人邾人于

戚 己丑葬我小君齊姜 叔孫豹如宋 冬仲孫蔑

會晉荀罃齊崔杼宋華元衛孫林父曹人邾人滕人辭

人小邾人于戚遂城虎牢 楚殺其大夫公子申

三年春楚公子嬰齊帥師伐吳 公如晉 夏四月壬戌

公及晉侯盟于長檣 公至自晉 六月公會單子晉

侯宋公衛侯鄭伯莒子邾子齊世子光己未同盟于雞

澤音郡國志魏郡曲梁侯國有雞澤杜同陳侯使袁僑

如會 戊寅叔孫豹及諸侯之大夫及陳袁僑盟 秋

公至自會 冬晉荀罃帥師伐許

四年春王三月己酉陳侯午卒 夏叔孫豹如晉 秋七

月戊子夫人妣氏薨公羊作弋氏下葬陳成公 八月

辛亥葬我小君定妣 冬公如晉 陳人圍頓

五年春公至自晉 夏鄭伯使公子發來聘 叔孫豹鄆

世子巫如晉 仲別本誤孫蔑衛孫林父會吳于善道

公穀皆御覽引南兗州記盱眙本春秋時善道也秋

大雩 楚殺其大夫公子壬夫 公會晉侯宋公陳侯

衛侯鄭伯曹伯莒子邾子滕子薛伯齊世子光吳人鄫

人于戚 公至自會 冬戊陳 楚公子貞帥師伐陳

公會晉侯宋公衛侯鄭伯曹伯齊世子光救陳十有二

月公至自救陳

公穀曹伯下有莒子邾子  
公羊作邾婁子滕子辭伯

辛未季孫行

父卒

六年春王三月壬午杞伯姑容卒 夏宋華弱來奔 秋

葬杞桓公 滕子來朝 莒人滅鄆 冬叔孫豹如邾

季孫宿如晉

外傳作風檀弓鄭注亦同

十有二月齊侯滅萊

七年春郊子來朝 夏四月三卜郊不從乃免牲 小邾

子來朝 城費 秋季孫宿如衛 八月螽公羊作螻冬十

月衛侯使孫林父來聘壬戌及孫林父盟 楚公子貞

帥師圍陳 十有二月公會晉侯宋公陳侯衛侯曹伯

莒子邾子于鄆鄆玉篇鄆字注引春秋及杜注云亦作

爲餘詳見傳文下鄭伯髡頑如會未見諸侯丙戌卒于

鄆

公穀髡頑皆作髡原鄆皆作操

鄆

玉篇鄆鄆地左氏傳曰鄭伯卒于

鄆陳侯逃歸

八年春王正月公如晉 夏葬鄭僖公 鄭人侵蔡獲蔡

公子燮

穀梁作公子涇陸氏穀梁音義曰涇本又作隰又音燮二十年同左氏作燮

季孫宿

會晉侯鄭伯齊人宋人衛人邾人于邢丘 公至自晉

莒人伐我東鄙 秋九月大雩 冬楚公子貞帥師

伐鄭 晉侯使士句來聘

九年春宋災

公羊作宋火

夏季孫宿如晉

五月辛酉夫人姜

氏薨

秋八月癸未葬我小君穆姜

公羊作穆姜

冬公會晉

侯宋公衛侯曹伯莒子邾子滕子薛伯杞伯小邾子齊  
世子光伐鄭十有二月己亥同盟于戲 楚子伐鄭  
十年春公會晉侯宋公衛侯曹伯莒子邾子滕子薛伯杞  
伯小邾子齊世子光會吳于祖鄧水經注祖作鄧核說  
文鄧沛國縣漢書地理志作鄧應邵曰音嵯師古曰此  
縣本爲鄧應音是也中古以來借鄧字爲之耳讀皆爲  
鄧今考鄧春秋時爲楚地昭四年吳伐楚入棘杜注鄧  
縣東北有棘亭是也哀六年經叔還會吳于祖亦是此  
地蓋是地近吳故皆就近會之耳惠士奇云祖乃宋地  
非楚地晉楚方爭而與諸侯會于其地必無是理惠棟  
又引京相璠曰祖宋地今彭城偃陽縣西北有沮水溝

去偃陽八十里司馬彪郡國志云彭城傅陽縣有沮水  
今按京相璠土地名蓋因下傳偃陽生文故以沮水當  
之究不若鄆縣爲得其實也至云晉楚方爭不當與諸  
侯會其地定四年傳劉文公合諸侯于召陵謀伐楚也  
謀伐楚國尙會于其地則此會更何嫌乎尤可証者祖  
會之前先會于鍾離鍾離卽楚地則惠說又不待辯矣  
又按昭六年傳鄭伯勞楚公子棄疾于相當亦此地鄭  
畏楚強又知當取道于鄭故出境勞之耳杜注云鄭地  
蓋亦約略之詞惟此年經下注云楚地則較京相璠說  
爲得耳道元亦云沮水出自楚之沮地亦一證也夏五  
月甲午遂滅偃陽地理志楚國傅陽故偃陽國莽曰

輔陽師古曰偁音福左傳所謂偁陽姁姓者也按古今  
人表有福陽子注云姁姓師古曰卽偁陽釋文徐僊民  
曰甫目反是矣偁福傳輔音之轉耳公至自會 楚公  
子貞鄭公孫輒帥師伐宋 晉師伐秦 秋莒人伐我  
東鄙 公會晉侯宋公衛侯曹伯莒子邾子齊世子光  
滕子辟伯杞伯小邾子伐鄭 冬盜殺鄭公子騂公子  
發公孫輒公穀驪皆作斐 戊鄭虎牢 楚公子貞帥師救鄭  
公至自伐鄭

十有一年春王正月作三軍 夏四月卜郊不從乃不  
郊 鄭公孫舍之帥師侵宋 公會晉侯宋公衛侯曹  
伯齊世子光莒子邾子滕子辟伯杞伯小邾子伐鄭



秋七月己未同盟于亳城北

公穀皆作京城北公羊疏云穀梁與此同左氏經作

亳城北服氏之經亦作京城北乃與此傳同之也

**韻**惠棟云亳城當从服氏作

京城京城鄭地在滎陽隱元年謂之京城是也今按此

當以字近而誤公至自伐鄭 楚子鄭伯伐宋 公會

晉侯宋公衛侯曹伯齊世子光莒子邾子滕子薛伯杞

伯小邾子伐鄭 會于蕭魚 公至自會 楚人執鄭

行人良霄 冬秦人伐晉

十有二年春王三月莒人伐我東鄙圍台季孫宿帥師救

台遂入鄆

穀梁台作鄆下同

夏晉侯使士魴來聘 秋九月吳

子乘卒 冬楚公子貞帥師侵宋 公如晉

十有三年春公至自晉 夏取邾

公羊傳邾作詩水經注同

**韻**說文邾

附庸國在東平亢父郭亭春秋傳曰取郭杜本此秋九月

庚辰楚子審卒國按楚語莊王使士亶傳太子蒧韋昭

曰蒧恭王名今左傳作審史記同審與蒧音之轉也冬

城防

十有四年春王正月季孫宿叔老會晉士匄齊人宋人衛

人鄭公孫蠆曹人莒人邾人滕人郕人杞人小邾人會

吳于向公羊蠆作嚳下同二月乙未朔日有食之夏四月叔

孫豹會晉荀偃齊人宋人衛北宮括鄭公孫蠆曹人莒

人邾人滕人郕人杞人小邾人伐秦公羊作北宮結己未衛侯

出奔齊公羊作衛侯術國不修春秋云孫林父甯殖出其君仲

尼修之曰衛侯術出奔齊二十年本疏惠棟云臣逐君不可

以訓猶召君也杜注謬諸侯失國名公穀皆有衍字左  
傳脫也今按穀梁本亦無衍字惠氏誤記莒人侵我東  
鄙 秋楚公子貞帥師伐吳 冬季孫宿會晉士匄宋  
華閱衛孫林父鄭公孫蠆莒人邾人于戚

十有五年春宋公使向戌來聘二月己亥及向戌盟于劉  
劉夏逆王后于齊 夏齊侯伐我北鄙圍成公救成至  
遇 季孫宿叔孫豹帥師城成郛 秋八月丁巳日有  
食之 國隋志云推合丁巳朔邾人伐我南鄙 冬十有

一月癸亥晉侯周卒

公羊釋文云  
周一本作臚

十有六年春王正月葬晉悼公 三月公會晉侯宋公衛  
侯鄭伯曹伯莒子邾子薛伯杞伯小邾子于溴梁

陸氏  
公羊

音義云臭本作渙案今公羊本亦作渙陸氏所見或古本也 鄆郡國志河內郡軹有

渙梁杜同 戊寅大夫盟鄆賈服皆以爲惡大夫專而君

失權本疏 晉人執莒子邾子以歸 齊侯伐我北鄙 夏

公至自會 五月甲子地震 叔老會鄭伯晉荀偃衛

甯殖宋人伐許 秋齊侯伐我北鄙圍郕公穀皆作成 大雩

冬叔孫豹如晉

十有七年春王二月庚午邾子貜卒公穀經皆作闕 鄆按孟子朱

輕荀卿子作宋鉞此輕作闕亦以音同而轉宋人伐陳

夏衛石買帥師伐曹 秋齊侯伐我北鄙圍桃公羊作洮

鄆按此卽昭七年傳季孫與孟氏之桃桃近成邑當在

今兗州府甯陽縣左近高厚帥師伐我北鄙圍防公穀皆作

齊高厚疑左氏經脫齊字九月大雩 宋華臣出奔陳 冬邾人伐

我南鄙

十有八年春白狄來 夏晉人執衛行人石買 秋齊師

伐我北鄙穀梁作齊侯 冬十月公會晉侯宋公衛侯鄭伯曹

伯莒子邾子滕子辭伯杞伯小邾子同圍齊 曹伯負

芻卒于師 楚公子午帥師伐鄭

十有九年春王正月諸侯盟于祝柯公羊作祝阿水經注引左傳亦作祝阿

**國**地理志平原郡祝阿杜本此 晉人執邾子 公至自伐

齊**國**賈逵曰圍齊而致伐以策伐勳也本疏取邾田自鄒

水**國**說文鄒水在魯京相璠曰薛縣鄒水首受蕃縣西

注山陽湖陸水經注 季孫宿如晉 葬曹成公 夏衛孫

林父帥師伐齊

秋七月辛卯齊侯環卒

公羊環作瑛

晉士

句帥師侵齊至穀聞齊侯卒乃還

白虎通引句作可還作旋

八月丙

辰仲孫蔑卒

齊殺其大夫高厚

鄭殺其大夫公子

嘉

公羊嘉作喜

冬葬齊靈公

城西郭

叔孫豹會晉士句

于柯

城武城

京相璠曰今泰山南武城縣有澹臺

子羽豕縣人也

水經注杜同此

二十年春王正月辛亥仲孫速會莒人盟于向

夏六月

庚申公會晉侯齊侯宋公衛侯鄭伯曹伯莒子邾子滕

子辭伯杞伯小邾子盟于澶淵

張晏曰繁陽縣有繁

淵春秋襄二十年經書盟于澶淵

即繁淵也水經注應杜本此

邵漢書注繁陽在繁水之陽按繁陽晉屬頓丘郡秋公

至自會 仲孫速帥師伐邾 蔡殺其大夫公子燮

燮作淫

蔡公子履出奔楚 陳侯之弟黃出奔楚

公穀黃皆作光

歸賈逵以爲稱名罪其逼

本疏

按杜注稱弟明無罪也正

義申杜云杜以鄭段有罪去弟以罪段今此存弟非是  
罪黃之文言此以排賈氏也今考春秋兼罪鄭莊故段  
不稱弟觀傳文如二君之言自明此傳于陳侯無譏不  
當引此例又襄三十年天王殺其弟佞夫釋例曰佞夫  
稱弟不聞反謀也鄭段去弟身爲謀首也佞夫以不聞  
反謀尙得稱弟今賈義雖罪公子黃不過罪其逼究非  
鄭段身爲謀首可比則稱弟而罪之義固兩不相妨杜  
注及正義蓋非也叔老如齊 冬十月丙辰朔日有食

之季孫宿如宋



春秋左傳註卷三終

曾孫用勲校刊

春秋左傳詁卷四

陽湖洪亮吉學

春秋經四

襄公

二十有一年春王正月公如晉劉賈達云此年仲尼生哀

十六年夏四月己丑卒七十二年年三十六公羊于經文

後書十有一月庚子孔子生穀梁無十有一月四字邾

庶其以漆閭丘來奔劉賈說三叛人以地來奔不書

叛謂不能專也年本疏郡國志山陽郡有漆亭有閭丘

亭杜同按水經注洙水下引從征記曰杜謂顯閭閭丘

也今按漆鄉在縣東北漆鄉東北十里見有閭丘鄉顯

間非也應劭十三州記亦云漆鄉邾邑見泗水下夏公

至自晉穀梁作至自會罔按公如晉後未嘗有會當以左氏及

公羊爲長秋晉欒盈出奔楚九月庚戌朔日有食之

冬十月庚辰朔日有食之曹伯來朝公會晉侯

齊侯宋公衛侯鄭伯曹伯莒子邾子于商任

二十有二年春王正月公至自會夏四月秋七月辛

酉叔老卒冬公會晉侯齊侯宋公衛侯鄭伯曹伯莒

子邾子薛伯杞伯小邾子于沙隨公至自會公穀辭伯上皆有滕

子二字疑左氏經脫去楚殺其大夫公子追舒

二十有三年春王二月癸酉朔日有食之三月己巳杞

伯句卒夏邾畀我來奔石經作卑我宋本亦同按二十一年庶其非卿也正義引

作邾卑我昭二十年經曹公孫會自鄆出奔宋昭二十  
七年經邾快來奔正義皆引作卑是卑昇二字音同字  
近公羊作鼻陸氏音義曰二傳作昇我石經穀梁

**詔賈**

作卑我鼻昇亦音同左穀以鼻為昇或古文省

達以為庶其之黨同有竊邑叛君之罪本按以昇我為

庶其之黨賈必有據劉炫譏之非是葬杞孝公 陳殺

其大夫慶虎及慶寅 陳侯之弟黃自楚歸于陳 晉

欒盈復入于晉入于曲沃 秋齊侯伐衛遂伐晉 八

月叔孫豹帥師救晉次于雍榆公穀皆作雍喻外傳作

又東北流逕雍榆城城字疑衍

己卯仲孫速卒 冬十月乙亥臧孫紇

出奔邾 晉人殺欒盈 齊侯襲莒

二十有四年春叔孫豹如晉 仲孫羯帥師侵齊公羊釋

齊偁本作羯亦作羯同居謂反按公羊石經及諸 夏楚

刻本並作羯刻本多改鼠釋文本字不可不察

子伐吳 秋七月甲子朔日有食之既 齊崔杼帥師

伐莒 大水 八月癸巳朔日有食之 公會晉侯宋

公衛侯鄭伯曹伯莒子邾子滕子薛伯杞伯小邾子于

夷儀 公羊作陳儀五 冬楚子蔡侯陳侯許男伐鄭 公

至自會 陳鍼宜咎出奔楚 按昭四年傳作歲君宜曰

考公羊石經及諸刻本並作鍼 叔孫豹如京師 大饑

二十有五年春齊崔杼帥師伐我北鄙 夏五月乙亥齊

崔杼弑其君光 公會晉侯宋公衛侯鄭伯曹伯莒子

邾子滕子薛伯杞伯小邾子于夷儀 六月壬子鄭公

孫舍之帥師入陳 秋八月己巳諸侯同盟于重丘

地理志平原郡重丘按郡國志無重丘縣蓋建武時所

省應劭曰安德縣北五十里有重丘鄉故縣也水經注公

至自會 衛侯入于夷儀 楚屈建帥師滅舒鳩 冬

鄭公孫夏帥師伐陳公羊作公孫董十有二月吳子遏伐楚門

于巢卒公穀皆作吳子諱 地理志廬江郡居巢應劭曰春秋

楚人圍巢巢國也

二十有六年春王二月辛卯衛甯喜弑其君剽 衛孫林

父入于戚以叛 甲午衛侯衎復歸于衛陸氏穀梁音義曰衎一本

作衎夏晉侯使荀吳來聘 公會晉人鄭良霄宋人曹人

于澶淵 秋宋公殺其世子痤穀梁作座晉人執衛甯喜

八月壬午許男甯卒于楚 冬楚子蔡侯陳侯伐鄭

葬許靈公

二十有七年春齊侯使慶封來聘 夏叔孫豹會晉趙武

楚屈建蔡公孫歸生衛石惡陳孔奐鄭良霄許人曹人

于宋

公羊作孔瑗

衛殺其大夫甯喜

衛侯之弟鱄出奔晉

穀梁作專

陸賈新語明誠篇春秋書衛侯之弟鱄出奔晉

書鱄絕骨肉之親弃大夫之位越先人之境附他人之

域窮涉寒饑織履而食不明之効也與三傳說並不同

秋七月辛巳豹及諸侯之大夫盟于宋 膏肓難左氏

云叔孫喬如舍族爲尊夫人按襄二十七年豹及諸侯

之大夫盟復何所尊而亦舍族春秋之例一事再見者

亦从省文耳左氏爲短鄭箴曰左氏以豹違命故貶之

而去族

成十五年本疏

冬十有二月乙亥朔日有食之

二十有八年春無冰 夏衛石惡出奔晉 杞子來朝

秋八月大雩 仲孫羯如晉 冬齊慶封來奔 十有

一月公如楚 十有二月甲寅天王崩 乙未楚子昭

卒

史記作招  
論衡同

二十有九年春王正月公在楚 夏五月公至自楚 庚

午衛侯衍卒 閏弑吳子餘祭 仲孫羯會晉荀盈齊

高止宋華定衛世叔儀鄭公孫段曹人莒人滕人薛人

小邾人城杞

公羊作衛世叔齊又莒人下滕人上公羊  
有邾婁人穀梁有邾人疑左氏經脫去

**詔**說文礲礪石也春秋傳曰鄭公孫段字子石按左傳

公孫段字伯石印段字子石說文所引疑有誤且字从

段不从段晉侯使士鞅來聘 杞子來盟 吳子使札



來聘國賈逵服虔皆以為夷末新即位使來通聘秋九

月葬衛獻公 齊高止出奔北燕 冬仲孫羯如晉

三十年春王正月楚子使薳罷來聘公羊作薳夏四月蔡世

子般弒其君固白虎通作世子班五月甲午宋災 宋伯姬卒

公穀伯姬上皆無宋字亦不另行按疑因傳文而誤天王殺其弟佖夫公羊作佖夫年佖音

同 王子瑕奔晉 秋七月叔弓如宋葬宋共姬穀梁下無宋字

國按上既有如宋二字則下宋字亦疑衍鄭良霄出奔

許自許入于鄭 鄭人殺良霄 冬十月葬蔡景公

晉人齊人宋人衛人鄭人曹人莒人邾人滕人薛人杞

人小邾人會于澶淵宋災故公穀皆同石經故字下後人妄增也字國按

此澶淵宋地與二十年二十六年盟會之地不同許氏

說文澶淵水在宋卽此司馬彪郡國志沛國杼秋故屬  
梁有澶淵聚劉昭注顧引襄二十年盟于澶淵之文以  
當之非也

三十有一年春王正月 夏六月辛巳公薨于楚宮 秋

九月癸巳子野卒 己亥仲孫羯卒 冬十月滕子來

會葬 癸酉葬我君襄公 十有一月莒人弑其君密

州

昭公

元年春王正月公卽位 叔孫豹會晉趙武楚公子圍齊

國弱宋向戌衛齊惡陳公子招蔡公孫歸生鄭罕虎許

人曹人于虢

公羊國弱作國酌齊惡作石惡罕  
虎作軒虎虢作潮穀梁又作郭

國賴氏

曰臣無竟外之交故去弟以貶季友子招樂憂故去弟

以懲過鄭段去弟惟以名通故謂之貶今公子圍公子

招皆書公子公子者名號之美稱非貶詞也

本疏引三

釋例

月取鄆說文魯有鄆地京相璠曰琅邪姑幕縣南四

十里有員亭故魯鄆邑郡國志琅邪東莞有鄆亭

杜同此

賈逵云楚以伐莒來討故諱伐不諱取

本疏按劉氏規杜

以賈說爲是夏秦伯之弟鍼出奔晉

六月丁巳邾子

華卒

晉荀吳帥師敗狄于大鹵

公穀皆作大原穀梁傳云中國曰大原夷

狄曰大鹵

地理志大原郡晉陽杜注大鹵大原晉陽縣也

杜本

秋莒去疾自齊入于莒

莒展輿出奔吳

公設皆無與字

釋文一本作

莒展出奔吳叔弓帥師疆鄆田

葬邾悼公

冬十有

一月己酉楚子麇卒

公穀麇皆作卷史記世家作員索隱曰左傳作麇按麇與麇字通

楚公子比出奔晉

公穀公子比上有楚字

二年春晉侯使韓起來聘

夏叔弓如晉

秋鄭殺其大

夫公孫黑

冬公如晉至河乃復

季孫宿如晉

三年春王正月丁未滕子原卒

公羊作泉

夏叔弓如滕

五月

葬滕成公

秋小邾子來朝

八月大雩

冬大雨雹

北燕伯款出奔齊

四年春王正月大雨雹

公穀雹皆作雪

夏楚子蔡侯陳侯鄭伯許

男徐子滕子頓子胡子沈子小邾子宋世子佐淮夷會

于申地理志汝南郡汝陰本胡子國

杜本此

楚人執徐

子秋七月楚子蔡侯陳侯許男頓子胡子沈子淮夷

伐吳 執齊慶封殺之 遂滅賴公穀賴皆作厲九月取鄆

冬十有二月乙卯叔孫豹卒

五年春王正月舍中軍 楚殺其大夫屈申 公如晉

夏莒牟夷以牟婁及防茲來奔鄆郡國志北海郡平昌

有萑鄉秋七月公至自晉 戊辰叔弓帥師敗莒師于

蚡泉

公羊蚡作賁穀梁作賁

鄆按爾雅漢大出尾下郭璞注曰今

河東汾縣有水如車輪許漬沸湧出其深無限名之爲

漢廣雅漬泉直泉也直泉湧泉也漬漢蚡皆古字通用

沸聲之轉秦伯卒 冬楚子蔡侯陳侯許男頓子沈子

徐人越人伐吳

六年春王正月杞伯益姑卒 葬秦景公 夏季孫宿如

晉 葬杞文公 宋華合比出奔衛 秋九月大雩

楚薳罷帥師伐吳 冬叔弓如楚 齊侯伐北燕

七年春王正月暨齊平詒賈逵何休亦以爲魯與齊平許

惠卿以爲燕與齊平服虔云襄二十四年仲孫羯侵齊

二十五年崔杼伐我自爾以來齊魯不相侵伐且齊是

大國何爲求與魯平此六年冬齊侯伐北燕將納簡公

齊侯貪賄而與之平故傳言齊求之也本按賈用穀梁

傳以外及內曰暨義最諦又經下云叔孫婁如齊涖盟

明旣平之後故往涖盟也杜注用許惠卿說曰燕及齊

平非也三月公如楚 叔孫婁如齊涖盟公羊婁作舍詒說

文婁不順也春秋傳曰叔孫婁夏四月甲辰朔日有食

之 秋八月戊辰衛侯惡卒 九月公至自楚 冬十

有一月癸未季孫宿卒 十有二月癸亥葬衛襄公

八年春陳侯之弟招殺陳世子偃師 夏四月辛丑陳侯

溺卒 叔弓如晉 楚人執陳行人于徵師殺之 陳

公子畱出奔鄭 秋蒐于紅劉賈穎曰蒐于紅不言

大者言公大失權在三家也十一年蒐于比蒲經書大

蒐復書大蒐者言大眾盡在三家本疏按劉昭補注紅亭

在泰山郡奉高縣西北左傳昭八年大蒐于紅杜注以

爲在沛國蕭縣誤今从劉昭說蓋沛國之紅亭水經注

以爲卽地理志之虹縣王莽改名曰貢師古曰虹亦音

貢音義竝異此傳釋文云紅日東从則陸亦不以爲沛

國之紅也陳人殺其大夫公子過 大雩 冬十月壬

午楚師滅陳執陳公子招放之于越殺陳孔與

公羊作孔與

葬陳哀公註賈服以葬哀公之文在殺孔與之下以為

楚葬哀公本接魯往會葬則為楚葬哀公可知杜注云

嬖人袁克葬之又自亂其例矣

九年春叔弓會楚子于陳 許遷于夷 夏四月陳災詔

公穀皆作陳火公羊傳曰陳已滅矣其言陳火何存陳

也穀梁傳曰國曰災邑曰火火不志此何以志閔陳而

存之也賈服取彼為說言閔陳不與楚故存陳而書之

言陳尚為國也本秋仲孫纁如齊 冬築郎囿

十年春王正月 夏齊樂施來奔公羊齊說文樂施字

作晉誤

註



子旗知施者旗也秋七月季孫意如叔弓仲孫獲帥師

伐莒公羊作隱戊子晉侯彪卒九月叔孫婼如晉葬

晉平公十有二月甲子圖賈逵服虔並云無冬刺不

登臺觀氣公羊按杜注此條及蒐于紅等皆云史闕文

恐非是宋公成卒公羊成圖按公羊釋文云宋成讀左

傳者音城何云向戌與君同名則宜音恤

十有一年春王二月叔弓如宋葬宋平公夏四月丁巳

楚子虔誘蔡侯般殺之于申楚公子弃疾帥師圍蔡

五月甲申夫人歸氏薨大蒐于比蒲仲孫獲會

邾子盟于禚祥公羊作禚解曰穀梁傳作侵祥字服虔注引者直作詳無侵字皆是所見異

也圖按穀梁作禚祥釋文曰禚子鳩反解引作侵當是

傳寫有異秋季孫意如會晉韓起齊國弱宋華亥衛北

宮佗鄭罕虎曹人杞人于厥慙

公羊意如作隱如國弱作國酌罕虎作軒虎厥

慙作屈銀釋文北宮佗作他慙魚靳反徐五巾反

**詒**

惠棟曰公羊作屈銀是慙

讀爲銀徐音是也說文慙从心敕聲又犬部敕从犬來

聲讀又若銀是古音皆以慙爲銀九月己亥葬我小君

齊歸冬十有一月丁酉楚師滅蔡執蔡世子有以歸

用之

穀梁有作友

十有二年春齊高偃帥師納北燕伯于陽地理志中山

國唐

杜本此

正義言經言于陽傳言于唐知陽卽唐也賈

氏云時陽守距離故稱納

釋例

按說文唐古文作陽从口

易故讀陽爲唐與公穀異此與齊人來歸衛保皆左氏

古字古音之僅存者三月壬申鄭伯嘉卒 夏宋公使

華定來聘 公如晉至河乃復 五月葬鄭簡公 楚

殺其大夫成熊公羊作成然穀梁作成虎解見正義秋七月

冬十月公子慙出奔齊公羊作公子慙楚子伐徐 晉伐鮮虞

穀梁傳曰其曰晉狄之也不正其與夷狄交伐中國

故狄稱之也賈服取以爲說本疏

十有三年春叔弓帥師圍費 夏四月楚公子比自晉歸

于楚弑其君虔于乾谿穀梁谿作溪楚公子弃疾殺公子比

公羊殺秋公會劉子晉侯齊侯宋公衛侯鄭伯曹伯莒

子邾子滕子辟伯杞伯小邾子于平丘地理志陳畱

郡平丘杜本此八月甲戌同盟于平丘公不與盟 晉人

執季孫意如以歸公至自會 蔡侯廬歸于蔡 陳侯  
吳歸于陳 冬十月葬蔡靈公 公如晉至河乃復  
吳滅州來

十有四年春意如至自晉 三月曹伯滕卒 夏四月  
秋葬曹武公 八月莒子去疾卒 冬莒殺其公子意  
恢

十有五年春王正月吳子夷末卒 公羊作夷昧 二月癸酉有事

于武宮籥入叔弓卒去樂卒事 夏蔡朝吳出奔鄭 公羊

作昭吳無出字 六月丁巳朔日有食之 秋晉荀吳帥師伐鮮

虞 冬公如晉

十有六年春齊侯伐徐 楚子誘戎蠻子殺之 公羊作戎曼子郡國

志引左傳作鄭子

**詒**賈逵云楚子不名以立其子本疏夏公至自

晉 秋八月己亥晉侯夷卒 九月大雩 季孫意如

如晉 冬十月葬晉昭公

十有七年春小邾子來朝 夏六月甲戌朔日有食之

秋鄭子來朝**詒**說文鄭東海縣帝少昊之後八月晉荀

吳帥師滅陸渾之戎公羊作賁渾穀梁與左氏同無之字冬有星孛于大

辰 楚人及吳戰于長岸

十有八年春王三月曹伯須卒 夏五月壬午宋衛陳鄭

災 六月邾人入郕**詒**地理志東海郡開陽故郕國杜本

此秋葬曹平公 冬許遷于白羽

十有九年春宋公伐邾 夏五月戊辰許世子止弑其君

買 己卯地震 秋齊高發帥師伐莒 冬葬許悼公

二十年春王正月 夏晉公孫會自鄆出奔宋

穀梁作費陸氏穀梁

音義曰本或作蔑按此則音同而轉

**詔**賈逵云前此以鄭叛也叛便從鄭

而出叛不告故不書

本疏

賈又云所以華亥向甯射姑等

不見有玉帛來聘者以其時未爲卿也

上同

按寰宇記濟

陰乘氏縣有大饗城故老言古曹之鄭邑也或作大鄉

秋盜殺衛侯之兄縶

按公羊縶作輒今考出公名輒卽縶公之孫與孟縶服尙近必不同

名當以左傳爲是

冬十月宋華亥向甯華定出奔陳

公羊作向甯後同

十有一月辛卯蔡侯廬卒

廬字从石經宋本改定

二十有一年春王三月葬蔡平公 夏晉侯使士鞅來聘

宋華亥向甯華定自陳入于宋南里以叛 **詔**賈逵云

書入華貍兄弟作亂召而逆之本又云南里穀梁曰南

鄙

公羊疏

秋七月壬午朔日有食之

八月乙亥叔輒卒

冬蔡侯朱出奔楚

穀梁作蔡侯東今考蓋國東國而誤

公如晉至河乃

復

二十有二年春齊侯伐莒 宋華亥向甯華定自宋南里

出奔楚

大蒐于昌閒

公羊作昌姦

夏四月乙丑天王崩六

月叔鞅如京師葬景王王室亂 劉子單子以王猛居

于皇國郡國志河南郡鞏有皇亭劉昭注引左傳作隍

杜同

秋劉子單子以王猛入于王城國地理志河南郡

河南故邾鄆也周成王遷九鼎周公致太平是爲王城

杜本

冬十月王子猛卒 十有二月癸酉朔日有食之

二十有三年春王正月叔孫婼如晉 癸丑叔鞅卒 晉

人執我行人叔孫婼 晉人圍郊 夏六月蔡侯東國

卒于楚 秋七月莒子庚與來奔 戊辰吳敗頓胡沈

蔡陳許之師于雞父穀梁作雞甫水經注決水从雩婁縣逕雞備亭 閼賈逵云

不國國書師惡其同役不同心本疏按賈據桓十三年齊

師宋師衛師燕師敗績又傳言七國同役而不同心故

本此立論正義譏之妄矣服虔云不書楚楚諱敗不告

同胡于髡沈子逞滅獲陳夏齧公羊逞作隱穀梁作盈 天王居于

狄泉閼京相璠春秋地名言今大倉西南池水名翟泉

舊說言翟泉本自在洛陽北萇宏城成周乃繞之水經注

郡國志河南尹洛陽有翟泉在城中杜本此 尹氏立王子



朝 八月乙未地震 冬公如晉至河有疾乃復

公有疾乃復

二十四年春王二月丙戌仲孫貜卒 詔賈逵云仲尼時年

三十五矣

史記索隱

姑至自晉

公羊作叔孫舍至自晉

夏五月乙未朔

日有食之

秋八月大雩

丁酉杞伯郁釐卒

公羊作鬱釐

冬吳滅巢

葬杞平公

二十有五年春叔孫婁如宋

夏叔詣會晉趙鞅宋樂大

心衛北宮喜鄭游吉曹人邾人滕人薛人小邾人于黃

父

公穀皆作叔倪公羊

樂大心作樂世心

詔按公羊疏云左氏經賈注者

作叔詣有鸛鵒來巢 詔說文古者鸛鵒不踰沛釋文鸛

稽康音權又作鵒音劬公羊傳作鸛音權郭璞注山海

經曰鸛鵒鵒也高誘淮南王書注引作鵒秋七月上

辛大雩季辛又雩 九月己亥公孫于齊次于陽州

齊侯唁公于野井國志濟南郡祝阿有野井亭同杜

此冬十月戊辰叔孫婼卒 十有一月己亥宋公佐卒

于曲棘國志陳畱郡外黃城中有曲棘亭此杜同十

有二月齊侯取鄆

二十有六年春王正月葬宋元公 三月公至自齊居于

鄆國志賈逵云季氏示欲為臣故以告廟本夏公圍成

秋公會齊侯莒子邾子杞伯盟于鄆陵 公至自會居

于鄆 九月庚申楚子居卒 冬十月天王入于成周

尹氏召伯毛伯以王子朝奔楚

二十有七年春公如齊 公至自齊居于鄆 夏四月吳

弑其君僚

楚殺其大夫卻宛

穀梁卻作卻石經同

按呂覽慎

行篇郗尹光唐之子今穀梁本卻亦作郗徐廣誤會史

記楚世家文遂以卻宛爲伯州犁之子非是辯已見集

中秋晉士鞅宋樂祁犁衛北宮喜曹人邾人滕人會于

扈 冬十月曹伯午卒 邾快來奔 公如齊 公至

自齊居于鄆

二十有八年春王三月葬曹悼公 公如晉次于乾侯

臣瓚漢書注乾侯在魏郡斥丘縣元和郡縣志斥丘故

城在成安縣南三十里春秋時乾侯邑夏四月丙戌鄭

伯甯卒 六月葬鄭定公 秋七月癸巳滕于甯卒

公羊

與上鄭伯  
甯並作甯冬葬滕悼公

二十有九年春公至自乾侯居于鄆齊侯使高張來唁公  
公如晉次于乾侯 夏四月庚子叔詣卒 秋七月  
冬十月鄆潰

三十年春王正月公在乾侯 夏六月庚辰晉侯去疾卒

秋八月葬晉頃公 冬十有二月吳滅徐徐子章羽

奔楚公羊作禹漢書古今人表  
地理志並同今依宋本 按經作羽傳作禹蓋

經與傳不必盡合如定十五年齊侯衛侯次于葉蔭傳

作遽孥哀四年經公孫霍傳作公孫盱可類推也

三十有一年春王正月公在乾侯 季孫意如會晉荀躒

于適厯公穀皆作  
荀躒下同 夏四月丁巳葬伯穀卒 晉侯使荀

躒唁公于乾侯 秋葬辟獻公 冬黑肱以濫來奔

公羊

作黑 引 郡國志濫作藍云東海郡昌慮有藍鄉 杜同服

虔云公羊五分之然後受之邾婁本附庸三十里而言

五分之爲六里國也 公羊 十有二月辛亥朔日有食之

三十有二年春王正月公在乾侯取闕 賈逵云昭公得

闕季氏奪之不用師徒謂此取闕爲季氏取于公也 本

按詳上書法當以賈義爲長夏吳伐越 秋七月 冬

仲孫何忌會晉韓不信齊高張宋仲幾衛世叔申鄭國

參曹人莒人杞人小邾人城成周 穀梁世叔作大

皆有邾人或左氏經 失之公羊作邾婁人 賈逵云魯有昭公難故會而不

盟 本 十有二月己未公薨于乾侯

定公

元年春王 三月晉人執宋仲幾于京師 夏六月癸亥

公之喪至自乾侯 戊辰公卽位 秋七月癸巳葬我

君昭公 九月大雩 立煬宮 冬十月隕霜殺菽公

作實釋文云菽本又作叔

二年春王正月 夏五月壬辰雉門及兩觀災周禮鄭康成注引作

雉門災及兩觀 秋楚人伐吳 冬十月新作雉門及兩觀

三年春王正月公如晉至河乃復歸賈逵云刺緩朝見辭

失所不諱罪已本疏 二月辛卯邾子穿卒公穀皆作三月 夏四月

秋葬邾莊公 冬仲孫何忌及邾子盟于拔公羊按作枝

四年春王二月癸巳陳侯吳卒 三月公會劉子晉侯宋

公蔡侯衛侯陳子鄭伯許男曹伯莒子

按自此以後莒不見于經水經

注沐水下引尸子云莒君好鬼巫而國亡或當在春秋之後

邾子頓子胡子滕子薛

伯杞伯小邾子齊國夏于召陵侵楚夏四月庚辰蔡

公孫姓帥師滅沈以沈子嘉歸殺之五月公及諸侯盟

于皋鼬

公羊作公孫歸姓後同釋文云公孫生本又作姓音生皋鼬公羊作浩油

杞伯成卒

于會

公羊作杞伯成

六月葬陳惠公

許遷于容城地理志

南郡華容應劭曰春秋許遷于容城是按水經注亦同

秋七月公至自會

劉卷卒

葬杞悼公

楚人圍蔡

晉士鞅衛孔圉帥師伐鮮虞

公羊作孔圉

葬劉文公

冬

十有一月庚午蔡侯以吳子及楚人戰于柏舉楚師敗

績

公羊作伯莒穀梁作伯舉淮南王書作柏莒古字並通

歸

惠棟曰高誘呂覽注

柏舉楚鄧邑京相璠曰柏舉漢東地江夏有柘水或作  
舉疑卽此也今按舉水出今麻城縣東龜頭山西南流  
至黃岡縣入江與水經注同于漢爲西陵縣地唐李吉  
甫亦云龜頭山卽春秋時柏舉也若江夏之汭水距此  
較遠疑京說非也楚囊瓦出奔鄭庚辰吳入郢公穀鄧皆作楚

五年春王三月辛亥朔日有食之

公羊作正月

夏歸粟于蔡謂

賈逵取穀梁爲說云不書所會後也本於越入吳謂漢

書貨殖傳辟猶戎狄之與于越不相入矣吳都賦包括

于越注引春秋曰于越入吳杜注于越人發語聲按于

於字雖同旣爲發語聲則作於爲近於字宜作烏音讀

也六月丙申季孫意如卒 秋七月壬子叔孫不敢卒



冬晉士鞅帥師圍鮮虞

六年春王正月癸亥鄭遊速帥師滅許以許男斯歸

公羊作游

邀

二月公侵鄭公至自侵鄭 夏季孫斯仲孫何忌如

晉詰范甯穀梁傳注曰仲孫忌而云仲孫何忌甯所未

詳公羊傳曰譏二名按范氏因下文仲孫忌兼泥公羊

之說故云然秋晉人執宋行人樂祁犁 冬城中城

季孫斯仲孫忌帥師圍鄆詰公羊傳曰此仲孫何忌也

曷爲謂之仲孫忌譏二名二名非禮也公羊疏云解曰

古本無何字有者誤也穀梁及賈注皆無何字又哀十

三年經云晉魏多帥師侵衛傳云此晉魏曼多也曷爲

之晉魏多譏二名二名非禮也以此言之則此經無何

明矣而賈氏云公羊曰仲孫何忌者蓋誤今按昭三十

二年定三年六年十二年哀元年二年五年六年經文

凡十二書仲孫何忌

左氏公何

以不去何字以譏之杜

注云何忌不言何闕文其說是也古本此無何字有則  
後人所加故公羊疏云有者誤也但疏墨守公羊之說  
復引哀十三年魏曼多以例之則非常春秋時人臣二  
名者多矣聖人褒貶豈在名之一字二字亦斷無一書  
再書之後方去一字以示譏也且哀十三年經左氏及  
穀梁皆作晉魏曼多公羊譏二名之說甚鑿

七年春王正月

夏四月

秋齊侯鄭伯盟于鹹

齊人

執衛行人北宮結以侵衛齊侯衛侯盟于沙

公羊作沙澤

詰

郡國志魏郡元城有沙亭

杜同此

大雩

齊國夏帥師伐

我西鄙

九月大雩賈逵云旱也

本疏

冬十月

諸本皆脫此三

字今从石經及宋本增入

八年春王正月公侵齊

公至自侵齊

二月公侵齊

賈逵云還至不月爲曹伯卒月

公羊疏

三月公至自侵齊

曹伯露卒

夏齊國夏帥師伐我西鄙

公會晉師

于瓦郡國志東郡燕有瓦亭

杜本此

公至自瓦

秋七

月戊辰陳侯柳卒

晉士鞅帥師侵鄭遂侵衛

公羊作晉趙鞅

葬曹靖公

陸氏公羊音義曰曹靖公

九月葬陳懷公

季孫斯仲孫

何忌帥師侵衛

冬衛侯鄭伯盟于曲濮

從祀先公

**詔**服虔云自躋僖公以來昭穆皆逆

禮記疏

盜竊寶玉大

弓臣劉歆以來說左氏者皆以爲夏后氏之璜封父之  
繁弱成王所以封魯公也本疏

九年春王正月 夏四月戊申鄭伯蠆卒公羊作得寶王

大弓 六月葬鄭獻公 秋齊侯衛侯次于五氏 秦  
伯卒 冬葬秦哀公

十年春王三月及齊平 夏公會齊侯于夾谷公至自夾

谷公穀皆作煩谷 服虔云東海祝期縣史記集解又云地二名水經

注郡國志東海郡祝期春秋時曰祝其夾谷地此 晉

趙鞅帥師圍衛 齊人來歸鄆謹龜陰田穀梁田上多一之字 歸

說文鄆魯下邑春秋傳曰齊人來歸鄆叔孫州仇仲孫

何忌帥師圍郕 公羊作圍費公羊疏云解曰左氏穀

梁此賁字皆爲郈但公羊曰本作費字與二家異賈氏不言公羊作費者蓋文不備或所見異也秋叔孫州仇

仲孫何忌帥師圍郈

宋樂大心出奔曹

公羊作樂世心後同公羊

疏云宋樂世心者世字亦作泄故賈氏言焉左氏穀梁作大字

宋公子地出奔陳

公羊作公

子池

冬齊侯衛侯鄭游速會于安甫

公羊作會于牽穀梁經甫亦作浦

叔孫州仇如齊

宋公之弟辰暨仲佗石彊出奔陳

公穀

皆作暨宋仲佗何休云復出宋者惡仲佗悉欲帥國人去故舉國言之

十有一年春宋公之弟辰及仲佗石彊公子地自陳入于

蕭以叛

夏四月

秋宋樂大心出奔曹

冬及

鄭平

叔還如鄭洺盟

世本叔弓生定伯閱閱生西

巷敬叔叔生成于還還爲叔弓曾孫

本疏

按杜注還叔詣

曾孫恐誤

十有二年春薛伯定卒 夏葬薛襄公 叔孫州仇帥師

墮郕郕按水經注汶水下云今其成無南面衛公孟彊

帥師伐曹 季孫斯仲孫何忌帥師墮費 秋大雩

冬十月癸亥公會齊侯盟于黃公羊作晉侯 十有一月丙寅

朔日有食之 公至自黃 十有二月公圍成 公至

自圍成

十有三年春齊侯衛侯次于垂葭穀梁無衛侯二字公羊作垂瑕 夏築蛇

淵圍鄆京相璠曰今濟北有蛇丘城城下有水魯圍也

俗謂之濁須水水經注 大蒐于比蒲 衛公孟彊帥師伐

曹 秋晉趙鞅入于晉陽以叛 冬晉荀寅士吉射入

于朝歌以叛 晉趙鞅歸于晉 薛弒其君比

十有四年春衛公叔戌來奔 衛趙陽出奔宋 公穀皆作晉趙陽

二月辛巳楚公子結陳公孫佗人帥師滅頓以頓子牂

歸 公羊作公子佗人 夏衛北宮結來奔 五月於越敗

吳于檣李 公羊作醉李地理志作雋李又作就李會稽郡由拳下注柴辟故就李鄉吳越戰地應劭

日由拳古之雋李也按檣 說文檣以木有所擣也从

木雋聲春秋傳曰越敗吳檣李賈逵云檣李越地 史記集解

又王存九域志引作檣里 吳子光卒 公會齊侯衛侯于牽 公羊作堅釋文

云本又作擊音牽 公至自會 秋齊侯宋公會于洮 天王使

石尙來歸賑 說文賑社肉盛以蜃故謂之賑天子所

以親遺同姓春秋傳曰石尙來歸賑按五經異義春秋

左氏說同今春秋公羊穀梁說生居俎上曰祫今本作  
振杜注取此鄭康成周禮注引作天王使石尙來歸蜃  
衛世子蒯聵出奔宋 衛公孟彊出奔鄭 宋公之弟  
辰自蕭來奔 大蒐于比蒲 邾子來會公 城莒父  
及霄

十有五年春王正月邾子來朝 鼯鼠食郊牛牛死改卜

牛 二月辛丑楚子滅胡以胡子豹歸 夏五月辛亥

郊 壬申公薨于高寢 鄭罕達帥師伐宋 公羊作軒達後同

齊侯衛侯次于渠蔭 公羊作蘧蔭公羊疏解云左氏作蘧挈按今傳作蘧挈與經文異

甯賈達云欲救宋蓋恤鄰也 公羊疏 邾子來奔喪 秋七

月壬申妣氏卒 穀梁作弋氏卒 八月庚辰朔日有食之 九月



滕子來會葬 丁巳葬我君定公雨不克葬戊午日下

辰乃克葬辛巳葬定姒穀梁作日下冬城漆穀梁作鄆穎容曰漆有

邾之舊廟本疏

哀公

元年春王正月公卽位 楚子陳侯隨侯許男圍蔡 麇

鼠食郊牛改卜牛穀梁牛下多角字夏四月辛巳郊 秋齊侯

衛侯伐晉 冬仲孫何忌帥師伐邾

二年春王二月季孫斯叔孫州仇仲孫何忌帥師伐邾取

鄆東田及沂西田鄆說文鄆水在魯沂水出東海費東

西入泗癸巳叔孫州仇仲孫何忌及邾子盟于句繹鄆

服虔云季孫尊卿敵服先歸使二子與之盟本疏又云季

孫斯尊卿與仲孫氏伐敵服而使二子盟也

公羊疏夏四

月丙子衛侯元卒 滕子來朝 晉趙鞅帥師納衛世

子蒯聵于戚 秋八月甲戌晉趙鞅帥師及鄭罕達帥

師戰于鐵鄭師敗績

公羊疏作栗服引經罕達下無帥師二字見公羊疏

冬十月

葬衛靈公 十有一月蔡遷于州來 蔡殺其大夫公

子駟

三年春齊國夏衛石曼姑帥師圍戚 夏四月甲午地震

五月辛卯桓宮僖宮災 附服虔云季氏出桓公又爲

僖公所立故不毀其廟又云俱在迭毀故不言及 本季

孫斯叔孫州仇帥師城啓陽 附地理志東海郡開陽 杜

此按漢避諱改開陽宋樂髡帥師伐曹 秋七月丙子季孫斯卒

蔡人放其大夫公孫獵于吳 冬十月癸卯秦伯卒

叔孫州仇仲孫何忌帥師圍邾

四年春王二月庚戌盜殺蔡侯申

公羊作三月公穀殺皆作弑石經亦作弑按諸

刻本皆作殺與釋文合石經失于刊正

蔡公孫辰出奔吳 葬秦惠公

宋人執小邾子 夏蔡殺其大夫公孫姓公孫霍 晉

人執戎蠻子赤歸于楚 城西郭 六月辛丑亳社災

公羊作蒲社

閏賈氏云公羊云蒲社也

公羊秋八月甲寅滕

子結卒 冬十有二月葬昭公 葬滕頃公

五年春城毗

公羊作城比釋文曰比本亦作庇亦作庇同音毗

夏齊侯伐宋 晉

趙鞅帥師伐衛

秋九月癸酉齊侯杵臼卒

公羊作杵臼冬

叔還如齊 閏月葬齊景公

六年春城邾瑕

公羊作城邾瑕

晉趙鞅帥師伐鮮虞

吳伐陳

夏齊國夏及高張來奔

叔還會吳于柵

秋七月

庚寅楚子軫卒

史記作軫

齊陽生入于齊齊陳乞弑其君荼

史記作田乞

冬仲孫何忌帥師伐邾

宋向巢帥師伐

曹

七年春宋皇瑗帥師侵鄭

晉魏曼多帥師侵衛

夏公

會吳于鄆

穀梁鄆作繒公羊作鄆史記世家並作繒

地理志東海郡繒故

國

杜本

秋公伐邾八月己酉入邾以邾子益來

宋人

圍曹

冬鄭駟宏帥師救曹

八年春王正月宋公入曹以曹伯陽歸

吳伐我

夏齊

人取讎及闡

公羊作闡下同公羊音義曰字林作闡

地理志泰山郡剛

故闡應邵曰春秋取讜及闡今闡亭是也京相璠曰剛

縣西四十里有闡亭

水經注

歸邾子益于邾

秋七月

冬十有二月癸亥杞伯過卒

齊人歸讜及闡

九年春王二月葬杞僖公

宋皇瑗帥師取鄭師于雍丘

歸地理志陳畱郡雍丘故杞國也

杜本此

夏楚人伐陳

秋宋公伐鄭 冬十月

十年春王二月

邾子益來奔

公會吳伐齊

三月戊

戌齊侯陽生卒

夏宋人伐鄭

晉趙鞅帥師侵齊

五月公至自伐齊

葬齊悼公

衛公孟彊自齊歸于

衛

辟伯夷卒

公羊夷作夷夷音同古字通

秋葬辟惠公 冬楚公

子結帥師伐陳

吳救陳

十有一年春齊國書 伐我 夏陳轅頗出奔鄆 五

月公會吳伐齊 甲戌齊國書帥師及吳戰于艾陵齊

師敗績獲齊國書 秋七月辛酉滕子虞母卒 冬十

有一月葬滕隱公 衛世叔齊出奔宋

十有二年春用田賦 夏五月甲辰孟子卒 國賈以爲言

孟子若言吳之長女也 春秋傳文疏 公會吳于橐臬 國服虔

云橐臬地名也 史記地理志九江郡橐臬此 秋公會

衛侯宋皇瑗于鄆 公羊作運 國按杜注廣陵郡海陵有發繇

亭今考云廣陵郡海陵亦誤海陵縣前漢屬臨淮後漢

已廢至晉大康中復立屬廣陵則已名海陽矣宋向巢

帥師伐鄭 冬十有二月螽

十有三年春鄭罕達帥師取宋師于囂 夏許男成卒

公羊

作公會晉侯及吳子于黃池郡國志陳畱郡平丘有

黃池亭杜同此楚公子申帥師伐陳 於越入吳 秋公

至自會 晉魏曼多帥師侵衛公羊作晉魏多葬許元公 九

月螽 冬十有一月有星孛于東方 盜殺陳夏區夫

公羊作夏區夫十有二月螽

十有四年春西狩獲麟公穀兩家經止此 國說文云騏仁獸麟大

北鹿也說左氏者云麟生于火而遊于土中央軒轅大

角之獸孔子作春秋春秋者禮也修火德以致其子故

麟來而為孔子瑞也奉德侯陳欽說麟西方毛蟲金精

也孔子作春秋有立言西方兌為口故麟來許慎稱劉

向楊雄皆以爲吉凶不竝瑞災不兼今麟爲周巽不得  
復爲漢瑞知麟應孔子而至鄭元以爲修母致子不如  
立言之說密也賈逵服虔潁容等皆以爲孔子自衛反  
魯考正禮修春秋約以周禮三年文成致麟麟感而至  
取龍爲水物故以爲修母致子之應本疏服虔云麟中央  
土獸子爲信信禮之子修其母致其子視明禮修而麟  
至思睿信立而虎擾言從人成而神龜在沼聽聰知正  
則名川出龍貌恭性仁則鳳凰來儀禮記疏小邾射以句  
繹來奔詁賈逵亦云此下弟子所記服虔云春秋終于  
獲麟故小邾射不在三叛人中也弟子欲明夫子作春  
秋以顯其師故書小邾射以下至孔子卒本疏杜夏四

取此



月齊陳恆執其君寘于舒州國史記齊世家田常執簡公于徐州索隱曰徐音舒其字從人左氏作舒舒陳氏邑說文作郚郚在薛田敬仲世家同惠士奇曰戰國策齊一篇曰楚威王勝于徐州高誘曰徐州或作舒州是時屬齊棟按徐舒古音通易困之九四曰來徐徐釋文云子夏易傳作荼荼鄭康成考工記注曰荼古文舒假借字鄭司農云荼讀爲預預字是徐與舒同說文作郚讀若塗易釋文云荼音圖然則舒亦有塗音與非也司馬貞得之今考禮記玉藻篇諸侯荼鄭康成注云荼讀爲舒遲之舒是又一證庚戌叔還卒五月庚申朔日有食之陳宗豎出奔楚宋向魋入于曹以叛莒

子狂卒

諸本皆誤狂今从石經及宋本釋文改正

六月宋向魑自曹出奔衛

宋向巢來奔

齊人弑其君王于舒州

秋晉趙鞅

帥師伐衛

八月辛丑仲孫何忌卒

冬陳宗豎自楚

復入于陳陳人殺之

陳轅買出奔楚

有星孛饑

十有五年春王正月成叛

夏五月齊高無平出奔北燕

鄭伯伐宋

秋八月大雩

晉趙鞅帥師伐衛冬

晉侯伐鄭

及齊平

衛公孟彊出奔齊

十有六年春王正月己卯衛世子蒯聵自戚入于衛

衛

侯輒來奔

二月衛子還成出奔宋

夏四月己丑孔

圯卒

春秋左傳詁卷四終

曾孫用懃校刊